

烏孫帶礪舊山河。奉使籌邊夜枕戈。願與東瀛諸將相。還將玉帛永修和。

丁未孟夏南州使君來遊中土。道出古烏孫國。聞其學問博雅。丰度謙和。隨居停往見。笑談之頃。手出沿途所作佳章圖

繪。音諧律呂。巧奪天工。令人欽佩。旋館後。勉成俚句。奉贈吟

壇。即希雨政。

星沙守愚子譚嶽琳。

緯武經文氣象雄。環球靈秀萃瀛東。方欣洗甲歸征馬。又縣行旌送遠鴻。景物慣題吟筆下。山川都付畫圖中。乘星戴月勤王事。返轡扶桑旭日紅。

時光緒清和月中澣。奉廣將軍命。護送南州小佐先生。赴喀喇沙爾。隨行日。久傾蓋甚歡。勉成七律一章。錄呈吟壇。即希

教政。

伊犁軍標守備鎬京馬高陞

暫辭東海溯河原。破浪乘風負曉暎。已出玉關度沙磧。又過葱嶺問崑崙。知吾不異千人傑。慰我初攀萬里轅。他日相思稱邂逅。蓬瀛笑指古烏孫。

大清光緒三十三年。台駕遊歷伊江。四月之望。自惠來寧。出示詩卷。皆我中華名公臣卿所贈傑作也。維時我道憲慶芝